

**SEHEMU A: TAMTHILIA**

**S.A. Mohamed:** Kitumbua Kimeingia Mchanga

**Alamin Mazrui:** Kilio cha Haki

**S.A. Mohamed:** Kitumbua Kimeingia Mchanga  
Jibu swali la 1 **au** la 2.

1. "Mwandishi wa tamthilia ya kitumbua kimeingia mchanga amemchora mwanamke kama kikwazo katika harakati za kujikomboa". Fafanua kauli hii ukitoa mifano mitano. (alama 20)
2. "Na utchia mpanaka lini? Mwezi mzima unalia....."  
(a) Fafanua muktadha wa maneno haya (alama 2)  
(b) Mhusika anayelia anahuzunishwa na nini? (alama 8)  
(c) Anayelia ana maoni tofauti na mzungumzaji kuhusu swala wanalozozania. (alama 10)

**Alamin Mazrui:** Kilio cha Haki  
Jibu swali la 3 **au** la 4.

3. (a) Eleza mambo yote muhimu yaliyotokea katika kiosk cha Mzee Ingeli wakati wateja walipoingia. (Alama 14)  
(b) Kwa nini Lanina na Mzee Ingeli walihuzunika kuhusu yaliyomfika mtu wa 4? (alama 6)
4. "Ah mwanangu wee! Dunia hii huisha maneno?  
Kila mmoja asema lake,  
na babaako...ameanza kuathirika sasa."  
(a) Baba anaathiriwa na mambo gani? (alama 8)  
(b) Punde tu baada ya mazungumzo haya kunatokea nini? (alama 12)

**SEHEMU B: RIWAYA**  
**Mohamed S. Mohamed:** Kiu  
**Katama Mkangi:** Walenisi  
Jibu swali la 5 **au** la 6

5. Huku ukizingatia matukio yote katika safari ya utu, tofautisha tabia ya Dzombo kwa upande mmoja na tabia za Mtu - Bint Fikirini na Mtu - Wazo kwa upande mwengine. (alama 20)
6. "Dzombo machozi yasiyo zuilika yakamdon doka. Ni nani aliyesema mbinguni hakuna machozi? Mtakatifu huyo..."  
(a) Huzuni aliyokuwa nayo Dzombo ilitokana na nini? (alama 12)  
(b) Mtu Bint Hekima na Mtu - Bint Fikirini walikuwa na maoni gani kuhusu swala la mapenzi baina ya wanaume na wanawake Jehanamu? (alama 8)

**Mohamed S. Mohamed: Kiu**

Jibu swali la 7 au la 8.

7. Kwa kurejelea ndoa ya Bahati, fafanua desturi zinazozingatiwa wakati wa arusi. (alama 20)
8. "Nikienda shitaki kwetu baba ananitoa ~~anabio~~ ananiambia: tokamea huko huko, usije na maneno ya kipumbavu hapa, nyie wanawake mrajulikana milivyo."
- Eleza muktadha wa maneno haya. (alama 10)
  - Kutokana na muktaidha wa wa maneno haya.
    - Wanawake wanajulikana vipi? (alama 5)
    - Kwa nini wanawake hawapaswi kushtakia matatizo yao? (alama 5)

**SEHEMU C: Ushairi**

9. Soma mashairi yafuatayo kisha ujibu maswali.

**Shairi A**

- Mpenda cha bure boza, tenaje ni baradhuli  
Tamaaye humpumbaza, huzidi kuwa jahili,  
Vya bure humwongoza, kwa wengine ajidhili,  
Bure ina sumu kali, yafaa kujihadhari
- Bure kweli hulemaza ,tena ina sumu kali,  
Epuka vinaumiza, sana vyaleta ajali  
**Kooni takukwaruza, ijapo vina samli,**  
Bure ina sumu kali, yafaa kujihadhari.
- Sikitu cha kwendekeza, falau kuwa asali,  
**Cha bure kimepooza, ijapo embe kwa wali**  
Kiache kina mafunza, hata kitiwe achali,  
Bure ina sumu kali, yafaa kujihadhari.
- Wenye hekima hupuza, huona kitu dhalili,  
Na hufanywa kimeoza, kinamfaa tumbili,  
Waungwana hukibeza, kwao hakisitahili,  
Bure ina sumu kali, yafaa kujihadhari.
- Cha mahonyo hutatiza, pato hilo siyo mali,  
Ndio mlango wa kiza, geuka siukabili,  
Utalingia Gereza, jumba lisilo kandili,  
Bure ina sumu kali, yafaa kujihadhari.

**Shairi B**

- Hana wema binadamu, usimuone kucheka  
**Acheke akusalimu, moyoni hutukutika**  
Japo maneno matamu, upate kupambazika,  
Akheri sumu ya nyoka, binadamu kazidia.
- Binadamu madhulumu, usidhanie dhihaka,  
Nyoka kweli ana sumu, umwonapo waepuka,  
Binadamu ni vigumu, hawezi kuepukika,  
Akheri sumu ya nyoka, binadamu kazidia.
- Binadamu hudhulumu, kumbe huku akicheka,  
Moyonimwe ana sumu, kali kushinda ya nyoka,  
Asikione kitamu, mkononi umeshika,  
Akheri sumu ya nyoka, binadamu kazidia.
- Mbele yako tabasamu, wala hutaona shaka,  
**Kumbe kwako ni hasimu, atamani kukuzika**  
Akupake marihamu, kilio akianguka,  
Akheri sumu ya nyoka, binadamu kazidia.
- Binadamu madhulumu, na maneno yangu shika,  
Utafika kwa Hakimu, ukifikiri dhihaka,  
Na mengine mashutumu, gerezani kutumika,  
Akheri sumu ya nyoka, binadamu kazidia.

- Linganisha dhana ya 'sumu' kama inavyojitokeza katika mashairi haya mawili (A na B). (alama 4)
- Eleza maana ya mishororo ifuatayo kama ilivyotumiwa katika mashairi haya.
  - Kooni takukwaruza, ijapo vina samli. (alama 1)
  - Cha bure kimepooza, ijapo embe kwa wali. (alama 1)

- FOR more free KCSE Revision Papers Visit <http://www.joshuaarimi.com>
- |   |           |
|---|-----------|
| (iii) Acheke akusalimu, moyoni hutukutika.  | (alama 1) |
| (iv) Kumbe kwako ni hasimu, atamani kukoziwa.   | (alama 1) |
| (c) Fafanua dhana ya ‘gereza’ katika shairi ‘A’ na B.   | (alama 4) |
| (d) Andika ubeti wa 4 katika shairi A kwa lugha nathari.  | (alama 4) |
| (e) Dondoa na uandike maneno mawili kutoka shairi ‘A’ na mengine mawili kutoka shairi ‘B’ ambayo yameendelezwa kimakusudi ili kutosheleza mizani. | (alama 4) |

#### 10. Soma shairi hili kisha ujibu Maswali.

- |   |  |
|---|--|
| 1. Moyoni furaha sina, ningaitaka sinayo<br>Si usiku si mtana, ni mamoja kwangu hayo<br>Mateso nnayoona, yaoluwa wangu moyo<br>Si mwako na <u>wayowayo</u> , uliyonifikasiiliya!      | 5. Kili kipele mwilini, ndiyo mwanzo wake kuwa<br>Sikujuwa aswilani, kuwa jipu chaja kuwa<br>Nngekijuwa zamani, ningekitangiya dawa<br>Ni kwamba sikutambuwa, ndipo hakiwatiliya.  |
| 2. Nna ipu linunza, linipalo tabu mno<br>Tengu lliponianza, kamwe sipati usono<br>Kwamba ni mara ya kwanza, kuuguwa ndwezi hino<br>Latoma kama sindano, utunguwe nakwambiya           | 6. Siku ya kuiva kwake, hiyo ndiyo siku kweli<br>Huo ndiwo mwisho wake, na mwisho wa idhilali<br>Idhilahi in’ondoke, mimi nayo tuwe mbali<br>Siku hiyo ni mawili, kuteka au kuliya |
| 3. Si jana wala si juzi, lliponianza tangu<br>Ni mingi mno miezi, nnadhofu hali yangu<br>Nnakonda kama uzi, kwa <u>kushitadi</u> utungu<br>Kubwa tumaini langu, ni mwishowe nangojeya | 7. Taliminya litumbuke, lisinisumbuwe tena<br>Usaha wote utoke, utoke nikiuona<br>Midamu itiriri, kama ng’ombe alonona<br>Jipu hili mwana lana, Mn’gu mbwalipa hizaya              |
| 4. Hitaka keti siwezi, kwamba li makaliyonii<br>Kutwa huwa yangu kazi, kusimama; ntendeni?<br>Na usiku usingizi, siupati aswilani<br>Kucha nakesha mwendani, kwa utungu kuzidiya.     | 8. Baada ya yote haya, jahara niliuguze<br>Kwa madawa kulitiya, ili kwamba yalipoze<br>Irudi yangu afiya, na zaidi niongeze<br>Nirukeruke niteze, kwa furaha kuningiya.            |
| (a) Fafanua mambo yanayomkera msanii wa shairi hili.  | (alama 4)  |
| (b) Onyesha matumaini ya msanii katika shairi.  | (alama 4)  |
| (c) Andika ubeti wa pili katika lugha ya nathari.   | (alama 4)  |
| (d) Dondoa mfanu mmoja wa <u>tashbihi</u> na mwingine wa <u>balagha</u> .   | (alama 2)  |
| (e) Katika ubeti wa 5 mshairi anajuta. Eleza.   | (alama 3)  |
| (f) Eleza maana ya maneno haya kama yalivytumiwa katika shairi.<br>(i) wayowayo.<br>(ii) kushitadi.<br>(iii) idhilali   | (alama 3)  |